

TEAM DI FLORIDA YEN DI ANIMO PA LOCALIZA NATALEE



ORANJESTAD (AAN): Un team di West Palm Beach na Florida a yega e isla aki riba Diahuebs, y mesora a start cu nan accion. Nan a yega cu hopi animo, y ta cla pa usa nan dos cacho special, esta “Astro” y “Rhino”, cu ta specialmente entrena pa haya holor den santo banda di laman. Fuera di esey, e team a bin cu algun Detector specialmente calibra pa yuda den esaki.

Den oranan di anochi mes nan a bay den e area patras di Faro di California, unda hunto cu Polisnan di Aruba a prepara pa cuminsa cu nan buskeda.

E team aki no a divulga nan nomber, pero ta bao guia di e hefe, Fred Golba. Nan tin experiencia mundial den buskeda di cadaver. Full e viahe di e team di Florida ta cubri pa un comerciante na Merca.

Mientras tanto, e mayornan di Natalee a manda carta pa gobernantenan na Alabama, y pidi nan pa bay mas “suave” pa cu e criticanan contra Aruba. No obstante nan ta haya descuento y e.o. estadia gratis na Aruba, tog nan tin gastonan halto. Nan a demostra cu nan tin cobranzanan masha halto mes relaciona cu nan estadia na Aruba, y tambe nan intento di localiza nan yiu muher.

